

內政研究會
邊政叢書之一

內蒙之今昔

譚惕吾著

中華民國二十四年五月初版

鎮

內政研究會 (3431.2)
邊政叢書之一 內蒙之今昔 一冊

每冊定價大洋壹元
外埠酌加運費匯費

著 者 譚 惕 吾

發 行 人 王 雲 五
上海河南路

印 刷 所 商 務 印 書 館
上海河南路

發 行 所 商 務 印 書 館
上海及各埠

版 權 所 有
翻 印 必 究

黃序

內蒙爲吾國國防重地，自元明迄今，於軍事上政治上關係均極密切。去秋，內蒙人士感於國際形勢之嚴重，應付之困難，曾有高度自治之要求。中央以茲事體大，欲求適當解決，必須詳審事實，安定方略，方不失愛護邊民之至意，爰命紹竑與趙副委員長不廉前往巡視，並於巡視時與蒙古各王公商討自治問題，期於容納自治之中，寓扶持匡導之旨。

方受命伊始，紹竑以職責所在，不敢言辭，又以使命重大，更不敢率爾從事，因於出發前物色熟悉蒙事之人才，搜集參考必須之資料。計自出發以迄復命，歷時兩月，自治問題，幸告解決。一方固由中央之指導有方及各王公之深明大義，而當時隨同入蒙諸君之探討研究，亦與有勞績焉。

本書著者譚惕吾君，方其肄業國立北京大學時，卽留心邊事，嗣留學日本，又深感日人對於滿蒙研討之勤，關於滿蒙書籍更搜羅不遺餘力，近年服務內政部尤喜研究邊政。去歲隨同入蒙，任文書及搜集調查之責，以其平日蘊蓄之富，故於所得各種資料，類能運用歷史及科學方法，分析整理，大有助於問題之認識與解決。歸而著此內蒙之今昔一書，都十餘萬言，於蒙古之歷史地理及此次內蒙自治運動之經過，莫不加以委曲詳盡之敘述，不僅可供政府處理蒙事之採擇，抑且可備國人研究邊事之參考。紹竑嘉其任事之勇，著述之勤，故於是書付梓之日，樂弁數

言以爲之介。至其內容之精審，條理之明晰，讀者當自得之。

黃紹竑 二十三年十二月二十日

自序

此書原爲去秋隨黃部長紹竑巡視內蒙之報告，故編述方法，與尋常著作稍有不同。其中所用資料，一部分係參考典籍，一部分係根據調查。惟此種參考書籍，異常缺乏，調查時間，又極匆促；內容自難詳盡。加以著者學識謬陋，觀察恐有不精；而全書編著，爲時又不及兩月，遺漏錯誤之處或所不免，深望明哲有以指正！

此書編製時，承同學夏濤聲君之襄助，及吾師顧頡剛楊秩彝兩先生之校訂，深爲銘感。又蒙同事陳景星君代繪地圖，徐曉林君代爲校閱，併此致謝。

中華民國二十三年十二月二日 譚惕吾序於南京

目錄

第一章 蒙古之歷史……………一

第一節 蒙古名詞之意義……………一

第二節 成吉思汗前之蒙古族……………二

第三節 自成吉思汗至忽必烈……………三

第四節 蒙古諸汗國之構兵及元之衰亡……………九

第五節 元亡後之蒙古族（自元亡至清初）……………一一

第六節 諸蒙古部落之創立……………一五

第七節 自清初至現在之蒙古族……………一七

第二章 蒙古之地理……………二六

第一節 蒙古地理之概觀……………二七

第二節 外蒙古與內蒙古……………三二

第三節 東部蒙古與東部內蒙古……………三二

第四節	內蒙古與內屬蒙古	三四
-----	----------	----

第三章	內蒙古與中原之關係	三九
-----	-----------	----

第一節	紛擾時期	四〇
-----	------	----

第二節	藩屬時期	四二
-----	------	----

第三節	合治時期	五五
-----	------	----

第四章	俄日對內蒙之侵略	五九
-----	----------	----

第一節	俄國企圖獨佔內蒙之時期	五九
-----	-------------	----

第二節	俄日兩國協謀內蒙之時期	六二
-----	-------------	----

第三節	日本侵略內蒙之急進	六三
-----	-----------	----

第五章	內蒙古現狀	七一
-----	-------	----

第一節	各盟旗之組織與職權	七一
-----	-----------	----

第二節	各盟旗之土地與人口	七七
-----	-----------	----

第三節	各盟旗之經濟情形	九四
-----	----------	----

第四節	各盟旗之軍力	一〇一
-----	--------	-----

第五節	各盟旗之司法教育交通狀況	一〇四
-----	--------------	-----

第六節	盟旗與省縣之關係·····	一〇九
-----	---------------	-----

第七節	內蒙宗教風俗之一般·····	一一一
-----	----------------	-----

第六章	內蒙自治運動·····	一一七
-----	-------------	-----

第一節	自治運動之原因·····	一一八
-----	--------------	-----

第二節	自治運動之經過·····	一二七
-----	--------------	-----

第三節	自治運動之內容·····	一三七
-----	--------------	-----

第七章	黃部長巡視內蒙之經過·····	一四二
-----	-----------------	-----

第一節	中央之決策·····	一四三
-----	------------	-----

第二節	出發前之準備·····	一四八
-----	-------------	-----

第三節	途中情形·····	一五〇
-----	-----------	-----

第四節	處理之經過及其結果·····	一五六
-----	----------------	-----

第八章	中央對於內蒙自治問題之解決·····	一七八
-----	--------------------	-----

第一節	中央第一次決議·····	一七八
-----	--------------	-----

第二節	中央第二次決議·····	一八二
-----	--------------	-----

第三節	蒙政會成立之概略·····	一八三
-----	---------------	-----

第四節	青海蒙古併入內蒙古自治組織之經過	一八七
-----	------------------	-----

第九章	結論	一八九
-----	----	-----

內蒙之今昔

第一章 蒙古之歷史

中國自東北迄西北之塞外草原，廣袤萬里，三千年來，盡爲各遊牧種族與漢族爭奪之舞臺。其顯著於歷史者，自獫狁獯鬻以來，初爲突厥種之匈奴，盛於秦及漢初；次爲通古斯種之鮮卑，盛於兩漢；又次爲突厥種之柔然，盛於兩晉及六朝；又次爲突厥種之回紇，盛於隋唐；又次爲通古斯種之契丹及女真，盛於五代及宋。繼之而起者，則爲蒙古。蒙古爲寶韋契丹之一部，實突厥與通古斯之混合種，曾統一大漠，征服歐亞，故在歷史上尤爲著名。雖其所創立之元朝，不百年而卽亡，然其種族始終散居於中國西北邊塞之地，數百年來，與中國本部之關係，至爲密切，迄今日而特甚。

第一節 蒙古名詞之意義

最初，蒙古實種族之名稱，見於中國史籍者，則有蒙兀，蒙古國，蒙古里，盲骨子，蒙兀兒，蒙骨斯諸名，雖字面不同，要皆爲一音之歧譯。迨成吉思汗崛起，吞併鄰近諸部落，進而征服亞洲北部及西部；其子及孫，更進而席捲亞洲大

部及歐洲東部，鐵騎所至，於其原有之地及所征服之領土，概加以蒙古之名。故元世祖忽必烈致書日本國王，自稱大蒙古國皇帝，實爲以種族之名名其國土之始。然夷考其實，蒙古之爲國號，不過於對外時偶爾用之，實際并無此種名稱。當時蒙古一名詞之含意，尙屬模糊不定。洎元朝敗亡，蒙古種族，乃退處於大漠南北，休養生息，屢世不絕，其後遂以其游牧所及之地，稱曰蒙古，於是此一名稱，始由種族之意義，一變而爲地理之意義。今日所謂蒙古，實兼含之。此蒙古一名詞在歷史上之變遷也。

其次，蒙古一名詞究何由而來？換言之，此種族何以自稱爲蒙古，此問題實亦有探討之價值。考蒙古（Mancu）之語根爲Mang，Mang一音究有何義？釋者紛歧，莫衷一是，舉其要者，約有四種：（一）多桑氏（D. Ohson）以爲Mang係蒙語質樸脆弱之意。（二）施密特氏（I. J. Schmidt）謂Mancu爲蒙語及女真語之勇悍；轉借之，則含有矇昧愚暗之義。此歐洲學者之說也。（三）堯山堂外紀云，蒙人稱銀曰蒙古，因其種族重銀，故即以銀名其種族。（四）東部蒙古誌云，成吉思汗生於滿費兒，後即以之爲其種族之名稱，蒙古卽滿費兒之轉音。又云，蒙人初居之地爲忙古，故稱爲忙古部，後遂轉爲蒙，骨斯或蒙古。通觀上述，似以最後一說較近事實。此蒙古命名之所由來也。

第二節 成吉思汗前之蒙族

蒙古種族之起原，史蹟荒蕪，已不可考。近世史家所以能略言其事者，惟恃元朝祕史一書。據祕史所載，元之始祖名巴塔赤罕，爲蒼狼與白鹿相配合而生。此種說法，僅能視爲一種神話，自不足置信。大約在九世紀至十二世紀

之頃，蒙古種族，尙爲諸部落分立時代，散居於幹難河（亦作敖嫩河）與克魯倫河之間，當時部落，不下數十，大別之爲二類：一爲尼倫，一爲多兒勒斤。多兒勒斤部之姓氏共有十六，尼倫部之姓氏則有二十。茲略舉之於下：一曰合荅斤，一曰撒勒只兀，一曰阿力干，一曰失主兀，一曰泰亦赤兀，一曰赤尼思，一曰邢牙勒，一曰兀魯兀，一曰忙忽魯，一曰阿巴鄰，一曰朵兒邊，一曰康羅兀，一曰施兀開兀，一曰巴魯刺思，一曰阿荅兒斤，一曰札荅蘭，一曰朵豁刺，一曰別速，一曰施兀康，一曰斤果荅。在此二十姓氏之中，最有勢力者，厥爲乞要氏之孛兒只斤。孛兒只斤出於阿爾格乃袁山，後移居不兒罕山，是爲幹難河克魯倫河圖拉河發源之地，成吉思汗卽產生於此族。

成吉思汗之六世祖曰海都，海都爲報仇，曾以兵力攻札刺亦兒部，始漸強大。海都死，子伯申豁兒多黑申嗣；伯申豁兒多黑申死，子屯必乃薛禪嗣；屯必乃薛禪死，子合不勒汗嗣；合不勒汗死，子把兒壇嗣；把兒壇死，子也速該嗣；也速該爲成吉思汗之父，除嗣其家世爲酋長外，更經附近蒙古部落舉爲盟長。也速該之妻名諤倫額格，共生五子：長鐵木真（卽成吉思汗之名），次朮赤哈薩兒，次哈準，次鐵木哥幹赤斤，次別勒格台。也速該死，同盟諸部以鐵木真年幼，共輕之，乃改奉泰亦赤兀部爲盟長。此成吉思汗未起前蒙古族之概況也。

第三節 自成吉思汗至忽必烈

成吉思汗鐵木真生於一一五六年（有些史書謂其生於一一六二年，實誤），當其父也速該死時，彼年方十三歲。鐵木真憤諸部之叛己，決心以鐵血挽回其地位。故於一一八八年首攻泰亦赤兀部，滅之，是卽歷史上最著名

「十三翼之戰」亦即鐵木真武功之開始。自此以後，其父從前所領諸部又奉之爲盟長。當時彼又與克烈部部長王罕聯合，不數年間，共攻滅札只剌、蔑兒乞、弘吉剌、塔塔兒諸部。旋王罕因受人之離間，與鐵木真分離，於是兩人之間遂又發生爭戰。一二〇三年鐵木真大破克烈部於圖拉河及克魯倫河之間，王罕走死，遂併有克烈部諸地，拓地至於乃蠻境。次年，復攻乃蠻太陽罕，敗之，又收其地，至是，蒙古全境皆入鐵木真之手，故於一二〇六年陰曆十二月召集各部，大會於斡難河上，由大會共戴其爲一切蒙古部落之成吉思汗——即「宇宙皇帝」之意。是爲成吉思汗第一步武功之完成，亦即蒙古帝國之初建也。

成吉思汗既統一蒙古，旋即進攻西夏。數戰以後，圍其首都赤烏石（今之寧夏），西夏請和，遂退兵。旋又攻金。一二一一年，侵入今河北山西兩省；一二一四年，圍金宣宗完顏珣於中都（今之北平）。金畏蒙古，一面遣使求和，一面遷都開封，蒙古軍遂於翌年取中都。是時成吉思汗因中亞有事，遄歸蒙古，攻金之任，以其部將木華黎主之，漸取有今河北山西山東陝西諸地；至一二二年頃，全國所餘者僅有河南。而高麗經蒙古之侵略，於一二一八年即已稱臣於成吉思汗。

高麗臣服後，成吉思汗即將其部將哲別與速不台調回，命其西征。是時西遼適內部多事，自相攻伐，故哲別等不費兵力，即奄有伊犁及天山南路諸地，蒙古版圖更因之擴張，東起渤海，西踰葱嶺，皆爲成吉思汗統治之地矣。

是時有一回教化之花剌子謨國，尙保有伊蘭全土，其勢頗盛。成吉思汗遂於一二一九年親率大軍二十萬，前往征伐。此次共分三軍，第一軍以長子朮赤領之，第二軍以次子察合台及三子窩闊台領之，成吉思汗本人與幼子

拖雷則率領第三軍。數經轉戰，盡陷花剌子謨諸地。其國王謨罕默德西逃，成吉思汗復遣哲別與速不台追之，謨罕默德遂竄死於迦斯毗海一孤島上，時爲一二二一年。哲別與速不台復乘勝越高加索山，攻伐欽察。幹羅思（卽俄羅斯）諸侯喀也夫的大公來援，哲別等大破之於阿里加河畔，時爲一二二三年五月。遂大掠其部落，而歸土耳其斯坦。計征裏海沿岸，前後共有兩年之久。當哲別等遠征幹羅思之時，成吉思汗則削平札蘭丁（花剌子謨王謨罕默德之子）之叛亂，盡取阿富汗諸城，始還蒙古。成吉思汗又復親征西夏，圍攻其都城，但西夏就降之前數日，成吉思汗卽病死於軍中，時則一二二七年八月十八日也。

綜觀成吉思汗之生平，以赤手起家，始則統一蒙古諸部落，繼則四向征伐，戎馬數十年，滅國三四十，遂使蒙古種族之威名遠震歐亞，誠歷史上之人傑矣。至其孫忽必烈入主中國後，追諡爲太祖。

成吉思汗死後，所有土地分給四子，長子朮赤先死，朮赤之子拔都分得欽察，其領地爲幹羅思東部及南部，并花剌子謨之舊土。次子察合台分得西遼舊壤，卽東西土耳其斯坦。三子窩闊台分得乃蠻舊壤，卽塔爾巴哈台，葉密立，及科布多等地。幼子拖雷分得蒙古舊壤，卽孛兒只斤族發源之地。

然此種分封，并不礙蒙古帝國之統一，此四封地仍隸屬於大汗。成吉思汗死後，暫由拖雷監國；至一二二九年於克魯倫河召集大會，遵成吉思汗之遺命，共舉窩闊台爲大汗，是卽後世所稱之元太宗。

窩闊台爲大汗後，定都於和林，用耶律楚材爲中書令，於政治方面，極力趨於中國化；創設驛站，分中國諸地爲正式省路，制定賦稅法，鹽法，設置學校，并使蒙古大臣子弟受孔子之教。於軍事方面，則仍繼續四向征伐。一二三四

年滅金，悉以金之土地併入蒙古版圖，蒙古帝國之國境，遂與南京接壤，以淮漢二水爲界。二國互相攻戰，幾五十年；蒙古軍雖未能奪取長江，然於一二三六年，卽已佔有四川，并於一二三一年，東取高麗陸地。

一二三六年，蒙古軍又作第二次之遠征。此次以拔都爲統帥，以速不台爲先鋒，太宗之子貴由，孫海都，拖雷之子蒙哥，察合台之子拜答兒等皆從征，分統諸軍。速不台渡亦的勒河（卽今之瓦爾加河），攻不里阿耳；蒙哥攻欽察（俄國南部）；拔都則北向取莫斯科及數大城。至一二四〇年之頃，幹羅思全境，悉被征服。自是以後，幹羅思受蒙古之統治，歷二百餘年。蒙古軍於征服幹羅思以後，又分爲四軍，進取索烈兒（卽今之波蘭）及馬札兒（卽今之匈牙利）諸地。海都與拜答兒率領第一軍，進攻孛烈兒，破之。速不台則領三軍，分道侵入馬札兒，旋更別遣一軍，侵入奧大利，直逼意大利之威尼斯。海都一軍，盡破歐洲北部諸侯國，然後退至馬札兒，與拔都及速不台等會師。歐洲全土，蹂躪幾徧。適太宗（死於一二四一年十二月十一日）之凶耗至，拔都始令諸將東還，時爲一二四二年，拔都則於南幹羅思自立一國，仍稱欽察汗國，爲元朝之外藩。在此期間，小亞細亞諸地亦皆爲蒙古軍所征服。

窩闊台死，由可敦（卽皇后）脫列哥那臨朝稱制；至一二四六年，始由大會推舉其子貴由爲大汗，卽元之定宗。初拔都與貴由有隙，至是頗有不臣之意，自是以後，蒙古內部卽不能如前之意志齊一。貴由由本擬征討拔都，乃以在位未久卽亡，致未實現。貴由死後（死於一二四八年）亦由其可敦幹兀立海迷失稱制。至一二五一年六七月之交，召開諸王大會於幹難河源，拔都因與貴由有隙，建議以拖雷之子蒙哥爲大汗，後經大會正式推舉，由是窩闊台系相承之大位，遂轉移於拖雷系。

蒙哥卽元之憲宗，卽位後，因貴由之子失烈門謀作亂，首將斡兀立海迷失及失烈門處死，并將海都（失烈門之弟）遠封於伊犁河上之阿力麻里。海都心有不甘，後曾造出若干內戰。

蒙哥對於各種宗教，皆取容忍與利用之政策，爲求趨於中國化，將其帝國組織完固，故於一二五七年由和林遷都於上都（卽今熱河之開平）。蒙哥卽大汗位未久，一面命其弟旭烈兀遠征波斯，一面命其弟忽必烈繼續侵宋。茲分述之：

旭烈兀以一二五三年出師，翌年一月師次阿母河，突厥諸酋長來迎，遂以兵入波斯，首滅木剌夷。一二五八年取報達，滅阿巴斯王朝。繼令郭侃等領兵向印度前進，而其本人則向敘利亞，乘埃及與敘利亞交兵，襲敗兩軍，遂盡有其地，建設一新蒙古汗國，是卽伊兒汗國，延存時間，將及八十年。

在窩闊台時代，蒙古已取得四川，惟每次南侵之軍皆爲長江所阻。蒙哥至是，命其弟忽必烈由雲南進兵，以拊宋之背。一二五三年，忽必烈將雲南攻克，復命兀良合台進兵交趾，大掠河內。兀良合台還師北向，侵入宋境，經廣西，進圍湖南之長沙，而忽必烈則陳師於鄂州（今之武昌）以待，時爲一二五九年。適蒙哥之凶耗至，忽必烈始與宋和，引軍北返。

蒙哥死後，其兩弟忽必烈與阿里不哥爭立。依蒙古之舊例，大汗應由宗王大會推舉。忽必烈乃破除舊例，至一二六〇年三月，在上都自立爲大汗；而阿里不哥亦在和林自立爲大汗。當時擁護阿里不哥者，有窩闊台系之海都及察合台系宗王之阿魯忽。其後阿魯忽又改變態度，效忠於忽必烈。阿里不哥處於阿魯忽與忽必烈之間，形勢日

登，始於一二六四年撤消汗號，和林與蒙古遂皆奉忽必烈爲大汗。

內部紛爭既告解決，忽必烈遂又開始攻取南宋，命伯顏、阿朮、阿里海牙等率師南侵。一二七三年陷樊城，襄陽復順漢水而入長江，取鄂州、安慶、揚州等地，會師臨安，擄宋太后及帝昀北去，南宋遂亡。時一二七六年二月二十五日也。宋亡，宋室遺臣尙奉益鹿、二王南奔福建、廣東。一二七七年，蒙古兵取鹿州，宋臣乃又奉帝昀遷於厓山。一二七九年，蒙古追兵至，宋師又潰，陸秀夫遂負帝昀投海死，中國全境遂入蒙古人之手。自有史以來，中國全部亡於異族者，此實爲第一次。

先是，忽必烈爲求便於統治中國計，已於一二六四年由上都遷於中都（即今之北平）。至是大功告成，遂改國號曰元，由蒙古帝國一變而爲中華帝國，忽必烈亦遂由大汗一變而爲皇帝，即史家所稱之元世祖也。

忽必烈即中國帝位後，對於亞洲各地仍繼續征伐，曾於一二七四年及一二八一年兩次東征日本，皆無功而還。用兵於越南半島及南洋羣島，亦時勝時敗。然究其結果，至十三世紀之末，除爪哇外，安南、真臘、緬甸，率皆降服。

忽必烈之統治爲雙重政策，即蒙古政策與中國政策是也。就蒙古方面言，彼爲大汗，完全繼承成吉思汗以來之政策，對於諸汗國強其服從；爲保持大汗之權勢，曾屢屢用兵。一面爲中國之皇帝，其治理中國之方法，完全保存中國舊有制度，並重用漢人以收攬人心。自成吉思汗至忽必烈，可謂蒙古之極盛時代。然分裂之衆，亦已兆端於此時，過此以往，即漸趨於衰落矣。